

শিক্ষার্থীদের জিজ্ঞাসিত প্রশ্ন ও তার উত্তরঃ

পাবনা

প্রশ্নঃ ফেক আইডি চিনবো কিভাবে?

উত্তরঃ ফেক আইডি কিনা জানার জন্য প্রথমে আইডির নাম কি তা খেয়াল করতে হবে। সাধারণত ফেক আইডির ব্যবহারকারী নিজের নামে আইডি ওপেন না করে অন্য কোন নাম ধারণ করে থাকে। যেমন, জিরাইলের ডানা, অচেনা পাখি ইত্যাদি। ফেক আইডির ব্যবহারকারীকে ফেসবুকে তার কর্মকাণ্ড দেখে চিনতে পারেন। প্রকৃত আইডির মতো তার বন্ধুর সংখ্যা ও খুব বেশি থাকেনা।

প্রশ্নঃ সাইবার অপরাধের মূল কারন কি? এই ধরনের অপরাধ থেকে আমরা কিভাবে পরিত্রান পাবো?

উত্তরঃ সাইবার অপরাধের মূল কারন হচ্ছে এই ধরনের অপরাধের বিষয়ে অসচেতনতা। আর এর থেকে পরিত্রাণের প্রধান উপায় হলো নিজেকে ও অন্যদের এই ধরনের অপরাধের বিষয়ে সচেতন করা। যখন আমরা নিজেরা সতর্ক হবো কেবল তখনই সাইবার অপরাধ থেকে আমরা পরিত্রান পাবো।

প্রশ্নঃ যারা সাইবার অপরাধ ঘটালে তাদের বিরুদ্ধে কোন ধরনের আইনী ব্যবস্থা গ্রহণ করা যায়?

উত্তরঃ যারা সাইবার অপরাধ ঘটালে তাদের বিরুদ্ধে ধরনের আইনী ব্যবস্থা গ্রহণ করার জন্য নিকটস্থ থানায় মামলা দায়ের করতে পারেন। এছাড়া, সাইবার ট্রাইবুনাল বা আমলি আদালতে অভিযোগ দায়ের করতে পারেন। ডিজিটাল নিরাপত্তা আইন, ২০১৮-এ অপরাধের ধরণ অনুযায়ী সাইবার অপরাধীদের জন্য বিভিন্ন ধরনের শাস্তির ব্যবস্থা রয়েছে।

প্রশ্নঃ তিন মাসের বেশি একই পাসওয়ার্ড ব্যবহার করলে কোন ধরনের সমস্যা হতে পারে? ফ্রি ওয়াই-ফাই ব্যবহারের সমস্যাসমূহ কি?

উত্তরঃ আইডির নিরাপত্তার জন্য তিন মাস পরপর পাসওয়ার্ড পরিবর্তনের পরামর্শ দেয়া হয়েছে। এই সময়ের বেশি সময় ধরে যদি একই পাসওয়ার্ড ব্যবহার করা হয় তাহলে তা হ্যাকারের সম্মুখীন হতে পারে। সাধারণত ফ্রি ওয়াই-ফাই ব্যবহারে তেমন সমস্যা নেই। কিন্তু ফ্রি ওয়াই-ফাই ব্যবহার করে লেনদেনের ক্ষেত্রে সতর্ক থাকতে হবে। অনেকে গুঁত পেতে থাকে হ্যাক করার জন্য। আপনার পিন নাম্বার, পাসওয়ার্ড ইত্যাদি ট্যাপ করে জেনে যেতে পারে। তাই ফ্রি ওয়াই-ফাই ব্যবহার না করা উত্তম।

প্রশ্নঃ ফিশিং বলতে আমরা কি বুঝি?

উত্তরঃ ফিশিং হচ্ছে এক ধরনের সাইবার অপরাধ। এটি এমন একটা পদ্ধতি যা ব্যবহার করে ইউজারের ব্যক্তিগত অথবা স্পর্শকাতর তথ্য পাওয়া যায়। এগুলো হতে পারে ব্যাংক অথবা ক্রেডিট কার্ডের তথ্য ইত্যাদি।

প্রশ্নঃ একাধিক ইমেইল আইডিতে একই পাসওয়ার্ড ব্যবহার করলে কোন ধরনের সমস্যা হতে পারে?

উত্তরঃ একাধিক ইমেইল আইডিতে একই পাসওয়ার্ড ব্যবহার করলে সাধারণভাবে কোন সমস্যা নেই। তবে কেউ যদি আপনার একটি পাসওয়ার্ড জেনে যায় তাহলে সবগুলো একাউন্ট হ্যাকড হয়ে যাবার সম্ভাবনা থাকে।